

Pa



kat.komp.

220028



Mag. St. Dr.

P

Teol. 407g

*Trydychowicz Dominici: Tractatus theologicus de
voluntate et amore Dei.*

T

DE



D.

C
I. V

M

EPI

Deb

P.

Sac

c

TRACTATVS THEOLOGICVS

DE VOLVNTATE & AMORE DEI
COMPOSITVS.

Iuxta D. THOMÆ AQVINATIS



Quinti Ecclesiæ Doctoris

Angelicam Sententiam

DETERMINATVS.

PERILLVSTRI, & REVERENDISSIMO DOMINO,

D. PETRO STANISLAO

ORŁOWSKI,

I. V. DOCTORI, PROTONOTARIO APOSTOLICO,

Ecclesiæ Cathedralis Crac: CANONICO,

PRÆPOSITO INFVLATO,

& Officiali Perpetuo Tarnouiensi, S. R. M. Secretario.

CELSISSIMI & REVERENDISSIMI DOMINI,

D. IOANNIS

DE MAŁACHOWICE

MAŁACHOWSKI,

DEI & Apostolicæ Sedis Gratiâ,

EPISCOPI CRACOVIENSIS, DVCIS SEVERIÆ,

Causarum Generali AVDITORI,

Domino & Patrono Colendissimo

Debitæ Venerationis & Festorum Paschaliū Gratulationis ergo

P. F. DOMINICO FRYDRYCHOWICZ,

Sacrae Theologiæ Doctore, Generalis Studij Prouinciæ Poloniæ

Conuentûs Cracouiensis Regente Ord: Præd:

DATVS, DONATVS, DEDICATVS,

Anno Domini, M. DC. XCII. Die April. *St.*


SUPERIORVM PERMISSV.



22 0028_{III}

PI
 Vauel
 Sanct
 omniu
 in SO
 candu
 ASP
 VAN
 IN PA
 irrepr
 que V
 SVBI
 Diu
 tum e
 dens
 sublin
 cumm
 Fortis
 Titub
 sta A
 stolic
 omne
 Etu fu
 ac pu
 uida
 Stude
 rare,
 supra
 sagien
 sti ad
 cipum
 matic
 ri, eq
 alasq

PERILLVSTRIS, & REVERENDISSIME DOMINE,
Domine & Benefactor Colendissime.

 TELLIFERA AQVILA TVA, Iagellonia-
nis fulcita floribus, Romanis Iuris Vtriusq; adornata
palmis, Apostolici Protonotariatus adaucta insigni-
bus, Regalis Secretariatus authorata Clauibus, A-
reopagi Diocesani Dictatoris munita armis, Alne
Vauellianæ Cathedræ illustrata Coronis, pretiosis ex Suprema Sedis
Sanctæ Decreto Infulati Honoris redimita monilibus, ut supremam
omnium encomiorum attingeret possideretq; gloriam, hoc lucidissimū
in SOLE IVSTITIÆ specularandum VISV, VOLATVq; practi-
candum sibi præfixit centrum. SOLA VOLVNTAS DIVINA
ASPIRANS, SOLVS AMOR DIVINVS ADIV-
VANS MEVM MERITVM IN VIA, MEVM PRÆMIVM
IN PATRIA. O verè felicem celestium desideriorum Aquilam, que
irreprehensibilis vite peruolitans vias, RECTO OCULO, RECTO-
que VOLATV ad stelliferi Celi eleuatur Beatitudinem. Hæc quippe
SVBLIMIS AQVILA est, cui Voluntas Diuina Fauonios, cui Amor
Diuinus addidit alas, ut PROPRIO ex LABORE conquirens virtu-
tum escam, ad emulandum cursum præiret AD ALTIORA. Pru-
dens Aquila hæc, que IN ARDVIS COMMORATVR, Oborscians
sublimata Columnis: TVTISSIME QUIESCIT, Nalecianis cir-
cumnexusa Vittis: De longe Prospicit, Vauellianis locata in montibus.
Fortis Aquila hæc, quam Nec Fulmina terrent in difficultatibus: Nec
Titubat Acies in splendoribus: Nec Via Inuia in periculosioribus. Iu-
sta Aquila hæc, Cuiq; Suum Distribuens ex immutabili Senatûs Apo-
stolici Authoritate: Iuris Pontificii AD PETRAM ALLIDENS
omnem Controuersiam, ex irrefragibilis Iustitiæ equitate: Ipsoq; Aspe-
ctu fugans noctuas falsitatis, aut confictæ albedinis ciconias, ex nitida
ac pura rationum veritate. Liberalis Aquila hæc, que Non Sibi Pro-
uida Soli, tot Ecclesiarum, Conuentuum, Collegiorum, Foundationum,
Studentium, omnisq; sortis egenorum curam gerere, providere, susten-
tare, consolariq; Et nouit Et inuitat. Fortunata Aquila hæc, que
supra Galbæ Principatum aut Targuinii Imperium, fortunatiores præ-
sagiens, ad Sacratioris Statoris Clientes euocatos, eosdem Regali Chri-
sti addixit adiunxitq; Fastigio. Dilecta Aquila hæc, ipsorummet Prin-
cipum Cordi, obsequio, Oraculisq; destinata, que Regalis Coronate Sar-
matice Aquilæ veram in se habens & exprimens Progeniem, in Mino-
ri, eque & in Maiori Polonia, Antiqua Aquilarum Sede nidificare,
alaspq; suas extendere gloriosè approbatur, veneraturq;. Hinc Polonia

nostra nunc facta Templum Delphicum, ad cuius maiestatem adornan-
dam duas Iouis concessit Aquilas, Par Nobile Fratrum, Vos inquam
PERILLVSTRES & REVERENDISSIMOS MATHÆVM &
PETRVM, illum Gnesnensem, hunc Cracouiensem Canonicos, illum
Camenecensem, hunc Tarnouiensem Insulatos, illum Eminentissimi
Primatis Primig Principis, hunc Celsissimi Ducis Causarum Genera-
les Auditores, aliis in honoribus, titulis, meritisq; simillimos. Sanè A-
quila hac, quæ Semper Fertur in Altum meritorum, in quibus fluide Io-
sephouiane, Sertkouiane, Paczygieuiane, aureaq; Wolinsciana desuda-
uere penna; verum Quis scrutabitur viam Aquile, quæ eleuatione vir-
tutis Transcendit Olympum. Totus attamen iste Ascensus Virtutis
& Honoris, ad Diuinæ Voluntatis, Diuinig; Amoris collimat centrū.
Equidem quod Voluntas Diuina Sanctum Menti Tuae instillauit, hoc
Amor Diuinus in corde Tuo, sigillauit: quod Bona voluntas inchoa-
uit, hoc Amor celestis perfecit: quod pius affectus germinauit, hoc
deuotus Amor conseruauit: quod suprema Voluntas inuitauit, eò A-
mor Spiritualis securè deduxit: idq; totum ex prudenti, modesto, dul-
ciq; actionum Tuarum externo moderamine ita manifestum, ut Te soli
Voluntati Amorig; Diuino studere, omnium prudentum piorumq; ocu-
li contemplentur. Ergo Diuinæ Voluntatis aspirante Austro, Diui-
niq; Amoris subleuantibus alis, Gloriosa Tua Aquila, Dies AQVI-
LÆ ducat felicissimos. Tuo ex Merito ita exoptamus, quia ex Ro-
stris Aquinaticis pro Sole Aquinatico perorasti, Sol Eloquentiæ: ex
abstrusis difficultatum nodis Hyacinthinam Propaginem vindicasti
multoties, Defensor Innocentiæ: Manu, Consilio, Dexteritate, sem-
per iuisti Themista Thomistas, Promptuarium Beneuolentiæ, lucem
non umbras spargens Protectionis Alarum Tuarum efficacioris: &
inter hæc plurima in nos collata beneficia, illud ego maximè Vene-
ratus sum, Veneror & Venerabor, particulari recentiq; deuotioris ani-
mi gratitudine, quod meus in Alma Totius Regni Vniuersitate, Cla-
rissimus extitisti Philosophiæ Professor ô Corculum Sapientiæ. Quo-
circa presentem debitæ gratitudinis tesseram suscipe à Discipulo Dul-
cissime Professor, & gaude de Tuis in me laboribus & beneficiis, quo-
rum ego dum perpetuam inter Missarum Sacrificia conseruo memo-
riam, Gusmanicarum ex influxu stellarum, stellifera Aquila Tuae o-
mnem apprecor prosperitatis Volatum.

PERILLVSTRIS & REVERENDISSIMÆ
DOMINATIONIS TVÆ,

Exorator & Cliens humillimus

Fr. DOMINICVS,

VO
L



num, e
boni co
Deuse
intellig
fluere
rationi
317. Q
mò in
suppon
liter ac
litio D
munt &
ob virt
suscipi
sicut Sp
to ex b
actum
quin pr
Cogni
fico C
II
2. tam
volunt
secund
verò P
stems,
tis susp
pore d
primi.
propos
uina.
tem C
creata
prout
volunt
luntati
hensiu
na non
terno
luntati
est ind
les no
Exister
aptitud
tis deb

VOLUNTATIS DIVINÆ

LIBERTAS, EFFICACIA, SANCTITAS



VOLUNTAS datur in Deo, secundum fidem Catholicam: 2. quæ prout in actu primo, virtualiter distinguitur ab actuali volitione: 3. ipsaque actualis volitio non est de Metaphysica constitutione naturæ Diuinæ. *Primum* habetur ad Rom. 12. *Ut probetis quæ sit voluntas Dei.* T. q. Omne intelligens non solum Ens, sed etiam bonum, est volens: unde implicat natura intellectiua Entis, & non intellectiua boni conuenientis ipsi. T. q. Agens propter finem, est volens finem; iam autem Deus est agens propter finem. *Ratio 2di.* Quia voluntas Diuina in actu primo intelligitur vt facultas proximè volitiua, & immediatè potens *Virtualiter* influere in volitionem: cuius distinctio virtualis actualis (sicuti actualis generationis ad intra à potentia generatiua) nullam dicit imperfectionem. *Ratio 3ti.* Quia Metaphysicè dicitur illud constituere aliquam naturam, quod primò in illa intelligitur cum fundamento in re: iam autem volitio actualis præsupponit cognitionem. T. q. Natura Diuina adæquatè communicatur formaliter ad intra, non communicatà volitione formaliter. T. q. Cognitio & volitio Diuina æquivalent cognitioni & volitioni in creatis, quæ se præsupponunt & realiter inter se distinguuntur: in Deo realiter identificantur, & solum ob virtualem distinctionem, verificationem prædicatorum Contradictoriõrum suscipiunt. s. quòd *Filius per cognitionem procedit, & non procedit per volitionem, sicut Spiritus sanctus.* T. q. Intellectus noster imbecillis, sumpto fundamento ex Eminentia perfectionis Diuinæ, diuersis conceptibus, *Intellectionem* vt actum primarium, *Volitionem* vt actum secundarium (iuxta illud: *Nil volitum quin præcognitum*) concipit; ideoque ob virtuale distinctionem volitionis à Cognitione primariò intellecta in Deo, Diuina volitio non est de Metaphysico Constitutiuo Naturæ Diuinæ.

II. **OBIECTVM** formale voluntatis Diuinæ est sola Bonitas Increata. 2. tam motiuum: 3. quàm Terminatiuum: 4. quam Bonitatem diligit ipsa voluntas Diuina necessitate specificationis & Exercitij: 5. Obiectum materiale secundarium sunt creaturæ, futuræ aut Existentes (quas liberè amat) 6. non, verò Possibiles: 7. Nec Deus circa Obiectum secundarium *vel* vt exercitè existens, *vel* vt dicens ordinem ad Existentiã potest omnem actum voluntatis suspendere Priuatiuè, aut Negatiuè: 8. nec etiam aliquid potest in tempore de nouo velle, aut deficere à volitione actus ab æterno habiti. *Ratio primi.* Quia sola Bonitas Increata, vt pote actus purissimus, habet perfectam proportionem & commensurationem in ratione obiecti cum voluntate Diuina. *Ratio 2di.* Quia sola bonitas Increata est finis Diuinæ voluntatis: iam autem Obiectum motiuum voluntatis, est finis. *Ratio 3ti.* Quia sola Bonitas Increata *per se* prius attingitur: & cætera bona creata & merita nostra, non prout sunt in se, sed prout præcontinentur in Bonitate Diuina, attinguntur à voluntate Diuina. *Ratio 4ti.* Quia Bonitas Diuina & est specificatiuum voluntatis Diuinæ: & est eidem applicata, per claram, intuitiuam, & comprehensiuam cognitionem, ipsique identificata. *Ratio 5ti.* Quia si voluntas Diuina non liberè sed necessariò amaret Creaturas futuras aut Existentes, ab æterno mundum produxisset: nam Potentia Dei Executiua, eius efficaci voluntati resistere non posset: T. q. Bonitas Diuina quæ amatur à Deo vt finis, est independens in sui subsistentia à creaturis. *Ratio 6ti.* Quia Creaturæ possibiles non possunt amari etiam Amore Simplicis Complacentiæ, nam carent Existentiã & ordine ad illam in statu possibilitatis; in quo solum sunt bonæ aptitudinaliter, secundum quid, & *Speculatiuè*: iam autem Obiectum voluntatis debet habere Existentiã *vel* Actualem *vel* dicere ad illam ordinem proximum

ximum, & *Practice* terminare actum simplicis Complacentiæ, & non solum habere perfectionem in ordine *ad se*, connexionem prædicatorum essentialium importando: sed in ordine *ad appetitum*, eundem mouendo, finalizando, & in alia sese diffundendo. *Ratio 7^{mi}*. Quia Deus tam volitionem quam nolitionem suspendendo *Prinatiue*, circa aliquod obiectum secundarium quod cognoscit, remanet indeterminatus; nec actum vitalem exercet circa tale obiectum: quorum utrumque dicit imperfectionem: si autem *Positiue* ipsam Suspensionem Vellet aut imperaret (si propriè imperari potest) adhuc tunc nil vult resolvere circa tale obiectum cognitum. *Ratio 8^{vi}*. Quia quod voluntas incipiat aliquid velle de nouo, aut à volitione desistat, solum prouenire potest: *Primo* ex hoc, quod aliquod bonum incipiat esse sibi conueniens, quod antea nec bonum nec conueniens erat: *2do* ex hoc, quod de nouo bonum agnoscat, quod antea non cognoscebat; iam autem vtrumque horum arguit in Deo physicam mutationem.

III. LIBERTAS & Immutabilitas in voluntate Diuina conciliantur per hoc, inquantum Diuinæ voluntatis actus liber; nullam superaddit ad perfectiones Diuinas necessarias perfectionem aut Entitatem, ratione ab illis distinctam: 2. sed tantum ipsammet terminationem ratione distinctam in ratione terminationis. 3. ac proinde Actus liber Dei consistit in actualitate actus necessarij vt ad creaturas liberè terminata: 4. Quamuis etiam benè admitatur sententia docens, quod Actus liber Dei vt distinguitur à Necessario, constituatur per summam independentiam à creaturis, & infinitum Dominium supra illas, quod habet Diuina volitio, connotando summam subiectionem & dependentiam creaturarum ab ipso, quas non prout obiecta, sed prout effectus sibi inadæquatos respicit. *Ratio primi*. Quia cum Libertas exigat indifferentiam, ratione cuius res ita sit, vt possit non esse: & è contra, Immutabilitas exigat Necessitatem, ratione cuius res ita sit, vt non possit non esse; hinc est quod dum Actus liber potens deficere nullam superaddit perfectionem necessariam, stat Immutabilitas Diuina, in se inuariata: nam Actus liber ex proprio conceptu superaddit ad perfectiones Necessarias id tantum, quod potuit Deo non conuenire; iam autem nulla perfectio aut Entitas potuit Deo non conuenire. *Ratio 2^{di}*. Quia constitutum Decreti liberi potuit deficere Deo, secundum aliquam rationem intrinsecam, (id est secundum quam constituit Deum intrinsecè creaturas *Vel* existentes *Vel* futuras volentem, *Ecce Libertas*) sed non sub conceptu intrinsecæ perfectionis aut entitatis. *Ecce Immutabilitas*. Ergo tantum sub conceptu intrinsecæ terminationis: quæ Terminatio intrinseca est defectibilis, separabilis, *Terminatiue*: est inseparabilis & indefectibilis *Entitatiue*: concipiturque à nobis ad instar habitudinis, non tamen est habitudo propria Transcendentalis, aut Prædicamentalis. *Ratio 3^{ti}*. Quia Actus liber exprimit perfectionem ex parte actualis formæ Deum constituentis volentem liberè: & ista forma est actus Dei necessarius, prout ad creaturas liberè terminatus; ideoque non quoad Entitatem, sed præcisè quoad solam terminationem ad creaturas, potest deficere; quia ex conceptu terminationis, prout est exercitium Diuinæ voluntatis vt liberæ, solum reducit Diuinam Voluntatem, de actu primo ad actum secundum, non *Entitatum* (ecce immutabilitas) sed *Terminatum* & *denominatum*. Ecce libertas. *Ratio 4^{ti}*. Quia iuxta hanc explicationem Libertas consistens in actu necessario, dicente supremum Dominium supra creaturas: *Et seruat* rationem actus puri, quia respectu actus necessarij, nulla datur in Deo potentia passiva, ideoque per actum necessarium Deus mutari nequit. *Et seruat* Indifferentiam, (non Priuatiuam quæ imperfecto est) sed obiectiuam, Activam, & Dominatiuam supra obiectum creatum, à quo cum sit independens, ita potens est creaturas immutare, quod eas potest non immutare: ideoque actus necessarius

rius resp
tatem co
sarius pa
que om
nalitas
turam
etiam V

III
cè præ
quo est
quo est
vnumq
prietas
election
& per p
quod v
domina
Vel cont
beru ser
nostros
Obiecti
stante i
differen
creti D
concili

Stan
Non po

1. Pot
mnes ind

2. In
ac Præm
iunctam,
habeo po
cum actu

3. Nec
Metaphy
connexa
liter indu
est Decret
cutio.

4. Pot
tione, co
potentia
sum: ete
opponun

5. Effe
quia Præ
ius potest
quàm no
tentia.

Ac p
uocare,
Præmot
Volunta

Itaque
sed etia
Libertat
intrinsecu
cipium s

rius respectu creaturæ est actiue indifferens indifferentiâ perfectissimam libertatem constituyente: iam autem respectu Dei vt pote proprii Subiecti, est necessarius passiuè. Et licet sit necessarius in Deo, & tamen ob sui eminentiam absque omni virtualitate sibi superaddita, liberè creaturas immutat: *Sicut* Personalitas Verbi necessariò terminans Naturam Diuinam, potest terminare naturam creatam *Vel* non terminare, sine aliqua sui additione *Vel* diminutione etiam Virtuali.

III. EFFICACIA Diuinæ voluntatis prout prædeterminantis ac Physicè præmouentis stat cum libertate creata. *Ratio est.* Quia voluntas Diuina ex quo est efficacissima; causat nostræ voluntatis Substantiam actûs *ut Velit*; ex quo est vniuersalissima, causat modum actûs *ut liberè velit*. T. q. Deus mouet vnumquodque secundum proprietatem eius: Ergo quia voluntatis nostræ proprietas est, sese determinare & ad agendum applicare per deliberationem & electionem; ideo Deus præmouet voluntatem nostram ad hoc vt deliberet, & per propriam Electionem se determinet. T. q. Libertas in hoc consistit, quòd voluntas agat, non *Quia est*, sed *Quia Vult* propriâ electione, cuius est domina, in quantum potest de illa disponere *Vel* retractando, *Vel* suspendendo, *Vel* continuando prout libuerit: iam autem Deus hoc Dominium *Secundum liberum* semper exerceri facit, tuo Dominio *Primo libero*, quod habet super omnes nostros actus. T. q. Decretum & Præmotio efficax, conseruat indifferentiam Obiectiuam iudicij proponentis obiectum vt amabile indifferenter: ideoque, stante indifferentiâ obiecti, voluntas ad illud præmotam amandum, adhuc indifferenter tendit in illud & cum omimoda libertate. Proindeque Efficacia Decreti Diuini, ac Physicæ Præmotionis (quæ est executio Decreti efficacis) his conciliatur distinctionum explicationibus cum libertate creata.

Stante Decreto Efficaci & Actuali Præmotione efficaci coniunctâ cū Voluntate mea
Non possum resistere Decreto & Præmotiōni efficaci.

1. *Potentia Consequenti*: quia hæc attendit ad omnes in diuinales circumstantias actûs.

2. *In sensu Composito*: quia ob intrinsecam Decreti ac Præmotionis efficaciam cum mea voluntate coniunctam, actus infallibiliter fiet, respectu cuius non habeo potentiam dissentienti quæ simul coniungatur cum actuali dissensu.

3. *Necessitate Consequentia*: quia Præmotio efficax Metaphysicè essentialiter *Vel* quocunque alio modo connexa cum Voluntate mea, necessariò & infallibiliter inducit in mea Voluntate *Determinationem* quia est Decreti Diuini Efficacissimi participatio & Executio.

4. *Potentia simultatis*: quia stante actuali Præmotione, connexa cum mea Voluntate, non est in me potentia ad simul ponendum consentum & dissentium: etenim Consensus & Dissensus Contradictoriè opponuntur.

5. *Effectiue, Originatiue, Primo Dominio ac Directe*: quia Præmotio de sursum est à Patre Luminum, cuius potestas magis in manu sua possidet corda nostra quam nos eadem possideamus, ex D. Augustini sententia.

1. *Potentia Antecedenti* quia hæc attendit ad actum absolutè, & à circumstantijs præcisum.

2. *In sensu Diuiso*: quia stante actualiter efficacissima Præmotione in mea Voluntate habeo potentiam proximam ad dissentiendum, non coniunctam cum actuali dissensu, ideoque diuisam ab actuali dissensu.

3. *Necessitate Consequentia*: quia istamet Præmotio efficax connectitur cum Voluntatis meæ Determinatione vt liberè *Ponenda*: ideoque necessitate Consequentis possum resistere, quia Consequens operatio ex Præmotione efficaci, essentialiter requirit vt sit libera.

4. *Simulate Potentia*. quia stante Prædeterminatione ad Vnum actum stat simul potentia ad oppositum: quæ non ex vi suorum prædicatorum, sed solum ex suppositione, ad actum exercitè ponendum impossibilitatur.

5. *Terminatiue, Dominio creato, secundario ac Indirecte*: quia voluntas mea est perfecta Domina Dominio creato, non Principij qui est solus Deus, sed Termini Præmotionis .i. illius actûs ad quem datur.

Ac proinde stante actuali Præmotione, potest Voluntas illum actum suspendere reuocare, interrompere ad nutum suum: non tamen rumpit, reuocat, suspendit, quia cum Præmotione data ad positionem actûs, isti dissensus actuales sunt incompatibiles. Si tamen Voluntas nostra actualiter suspensionem vellet, id haberet ex alia Præmotione.

Itaque vniuersaliter Præmotio Physica mouet creatam Voluntatem, non solum vt agat sed etiam ita agat, quòd possit non agere, cum descendat à Deo tanquam à Prima Radice Libertatis nostræ præcontentæ eminenter in ipso: ideoque Deus est *Primum Principium extrinsecum*, intimè causans voluntatis nostræ Determinationem: & voluntas nostra est *Primum secundum intrinsecum* huius Determinationis: vnde influxus Diuinus quantumcumque antec-

antecedens, est influxus radicis ipsius Libertatis, habens pro effectu ipsum liberum, inquantum liberum. Et has quinque distinctiones ex D. Damasceno & Doctore Angelico sumptas, in sensu Catholico, Theologico, Thomistico, explicatas, qui aliter interpretatur, intelligit, ac explicat, talis nec primis labijs doctrinam Thomisticam attingit.

V. SANCTITAS Diuinæ voluntatis stat cum Decreto efficaci Dei & cum Physica Præmotione prædeterminante ad materiale peccati: *Ratio 1^a*. Quia Materiale peccati continetur intra obiectum adæquatum voluntatis Diuinæ. Nam causatur Physicè ab Omnipotentia Diuina, quia est Ens ab alio; 2. gaudet bonitate Physica & naturali; 3. est reducibile in Deum tanquam vltimum finem; 4. terminat actum Complacentiæ Diuinæ; 5. ac tandem vult Deus materiale peccati voluntate absolutâ & efficaci, tanquam Prouisor & Motor *Generalis*, non verò *Specialis*: Iam autem Formale peccati seu Malitia formalis non continetur intra obiectum voluntatis Diuinæ propter oppositas rationes. Ergo licet materiale peccati & formalis malitia sint inter se inseparabiliter connexa, quia tamen vtrumque non continentur intra obiectum voluntatis Diuinæ, nec ab Omnipotentia Diuinæ causalitate inseparabiliter attinguntur, hinc est quod Deus potest prædefinire materiale peccati, sub ratione Entis & actus, & non prædefinire nec causare malitiam formalem; *Sic bonum & verum*, sunt inter se summè identificata; & tamen Intellectus attingens *verum*, non se extendit ad *Bonum* extra Sphæram sui obiecti adæquati positum. *Sic* Concurfus simultaneus, qui est ipsemet actus voluntatis, prout est à Deo simul operante, connectitur cum actu, cum quo immediatè coniungitur ipsa malitia peccati; & tamen Deus cuncursu simultaneo concurrente ad materiale peccati, non concurret ad illius formale *Nec remotè & mediatè* quia Deus suâ prædeterminatione efficit, vt homo ponat materiale peccati solum quoad entitatem, actualitatem, & vitalitatem, non verò prout materiale peccati fundat aut connotat priuationem rationis, & legis, *Vel vt dicens ordinem transcendentalem ad illam Non quasi violenter & coactè* veluti tractus à voluntate creata, ne desit muneris causæ primæ, aut violet iura libertatis creata; *partim* quia Deus etiam tractus & determinatus à voluntate creata, non potest causare id quod non continetur intra obiectum adæquatum Diuinæ Omnipotentia; *partim* quia quod est ab aliquo solum permissiue, non dicitur ab eo propriè causari; *partim* quia Qui causat aliquid, ad quod sequitur aliud infallibiliter, *consecutione Physicâ & causalitatis*, non dicitur se habere permissiue ad illud; iam autem dum ponitur materiale peccati, sequitur ad illud infallibiliter malitia peccati *consecutione Logicâ & illationis*: sic ad motum vitalem tibie curuæ, sequitur infallibiliter claudicatio, & tamen anima causans illam motum, est non positua sed solum permissiua causa talis defectus; *partim* quia, ideo Deus non potest *moraliter* mouere ac prædeterminare hominem ad materiale peccati; quia aliàs illum tentaret, seduceret ac implanaret Ergo ideo Deus potest *Physicè* mouere & prædeterminare ad materiale peccati, quia ipsum non tentat sed solum applicat ad producendam Entitatem: præscindendo ab omni morali imperfectione, à qua non præscindit Moralis præmotio ad materiale peccati: vnde Motio Physica licet sit maior Morali *intensiuè* id est efficacior, est tamen minor *extensiuè*, quia sistit intra ordinem Physicum, nec se extendit ad lineam moris, ad quam se extendit motio moralis: consequenter secundum nullam formalitatem potest Deus dici concurrere ad formale peccati, concurrente ad materiale; proindeque stat eius summa sanctitas cum Præmotione Physica concurrente ad materiale peccati.

VI. ANTECEDENS Voluntas, versatur circa bonum creaturæ absolute secundum se consideratū. CONSEQUENS verò circa idemmet bonum prout circumstantijs individualibus vestitum. 2. Vultque Deus Voluntate Antecedenti saluare omnes homines, etiam post Adæ lapsum. 3. estque formaliter in Deo. 4. ac dicitur Conditionata, non quia expectat consensum à libero creato arbitrio, sed quia importat actum conditionatum quo Deus vellet salutem omnium hominum si hoc non repugnaret ordini Diuinæ Prouidentia, manifestationi suæ Iustitiæ, & Bono generali totius vniuersi: *Ratio 1^a*. Quia Bonum creaturæ absolute consideratum est prius seipso prout circumstantijs particularibus vestito. *Ratio 2^a*. Quia (vt ait. D. Paulus. 1. ad Timot. 2.) vnus est Deus omnium, vnus est mediator Dei & hominum, qui dedit semetipsum pro omnibus. *Ratio 3^a*. Quia Voluntas Antecedens est voluntas Beneplaciti, quæ formaliter reperitur in Deo. *Ratio 4^a*. Quia ad Prouisorem vniuersalem pertinet permittere aliquos deficere ab vltimo fine, eisdem suæ Iustitiæ Punitiue rigori subiiciendo; à quo rigore liberare nos dignetur Misericordia Dei & Passio

IESV CHRISTI. AMEN.



7. xxii. 29.

ipsum
amafce-
Thomi-
c primis

& cum
st. Quia
Diuinæ.
2. gau-
ltimum
materi-
or *Gene-*
alis non
ationes,
rabiliter
luntatis
guntur,
e Entis
onum &
gens ve-
osum.
st à Deo
itur ip-
ad ma-
suâ præ-
actuali-
ationem
er & coa-
libertatis
on potest
x; *partim*
quia Qui
atis, non
sequitur
vitalet
otum, est
on potest
llum ten-
ninare ad
ntitatem:
motio ad
ractor, est
am moris,
em potest
e stat eius

undum se
diuiduali-
etiam post
a expectat
Deus velle
manifesta-
aturæ ab-
Ratio 2di.
ator Dei &
ecedens est
orem vni-
Punitiuræ
affio



Frederick Schmitt, Dominica
~~*Alfred Schmitt, Dominica*~~